

**EUROPAKO PARLAMENTUA.** Eskualdeek izan beharko lituzketen eskumenak arautzen ditu Napolitanoren txostenak

# Napolitanoren txostenaren hutsuneak aipatu dituzte EAJk eta Batasunak

PPE eta PSE taldeek zuzenketen bidez edukiz hustuko dute atzo eztabaidatutako txostena

Gurutze Izagirre | DONOSTIA

Europako Parlamentuko osoko bilkura egon zen atzo Estrasburgon, eta besteak beste, Giorgio Napolitanoren txostena aurkeztu zen. Europako eskualdeek arautzen ari den Europa berrian izan ditzaketen eskumenak aurkezten ditu.

Horretarako estatu bakoitzeko barne egitura hartzen du oinarri, eta legegintza eskumenak dituztenak lehenetsi ditu eskumenak aitortzeko orduan. Bozketan onartzen den txostena Europako Konbentzioak jasoko du, Europako Konstituzioan erabaki horiek dituzten ideia nagusiak bil daitezten. Txostenak ez du jasotzen ez instituzio legegileak ez dituzten eskualdeak, eta ezta bi estatuetan kokatutako eskualdeen arazoa ere.

Eztabaida nola joan zen ikusita Europako Alderdi Popularrak eta sozialistak hainbat enmendakin adostuko dituzte ziu- rrenik, txostena edukiz hustuko dutena, txostena kaxkarra baze- ren are kaxkarrago bihurtuz.

Txostenak kritika ugari jaso zituen. EAJk eta Batasunak ere, osoko bilkuran izan zuten interbentzio banatan txostenari ikusten zizkioten hutsune nagusiak izan zituzten hizpide.

Koldo Gorostiagak gogor kritikatu zuen Napolitanoren txostena «ez duelako onartzen autodeterminazio eskubidea eskatzea». Gorostiagak esan zuen Turkiak izan ezik, gainontzeko



**KOLDO GOROSTIAGA**

Batasuneko eurodiputatu

**«Autodeterminazio eskubidea nazioen arteko erlazio baketsurako giltza da, demokraziaren sinonimo delako»**

herrialde hautagai guztiek azkeneko hamarkadetan politika bereziak jarri dituztela euren gutxiengoaren egoerak hobetzeko. Kasu batzuetan autodeterminazio eskubidea erabiliz.

Hori ikusita, Europar Batasunak estaturik gabeko nazioengan duen jarrera «itsua» salatu zuen. Gorostiagarentzat kritika- garriena da Napolitanoren txostenean irakurtzea onartezi- na dela autodeterminazio esku- bidearen onarpena eskatzea. Hala, «estaturik gabeko nazioak



**JOSU ORTUONDO**

EAJko eurodiputatu

**«Eskualdeek Kontseiluaren bileretan parte hartu beharko lukete bere eskuduntzak zuzenean ukitzean»**

ezin dute herri bezala bizitzeko eskubidea aldarrikatu».

Koldo Gorostiagak honakoa galdetu zien Europako Parla- mentuan bildu zirenei: «Nola da posible askatasun, segurtasun eta justizia lurralde batean es- kubide horien ukapena onar- tzea?». Demokraziaren sinoni- mo delako, autodeterminazio eskubidea nazioen arteko erla- zio baketsurako giltza dela esa- nez amaitu zuen Koldo Goro- stiagak Estrasburgoko osoko bil- kuran egin zuen interbentzioa.

**Napolitanoren txostenak zeresan handia eman du**

Giorgio Napolitanoren txoste- na polemikoa izan da oso. 174 enmendakin jaso ditu eta ezta- baida ugari sortu du alderdien artean nahiz alderdi barruan. Enmendakin horietarik 29 EAJ alderdiak izenpetu ditu Aliantza Libre taldearen barnean, edota Berdeak/ALE eta Liberakek aurkeztutako hainbat enmen- dakinekin bat etorrira.

Josu Ortuondo EAJko euro- diputatuak Estrasburgon osoko bilkuran izan zuen interbentzio- an Europaren aniztasuna de- fendatu zuen.

Joosu Ortuondok esan zuen beharrezkoa dela Europako Ba- tasunaren Tratatuan, eta berta- tik eratorritako arauetan, dago- en erakundearen aniztasuna kon- tuan izatea, hauteskunde legeak barne. Horiek kontutan izanez gero, Europa barruan eskumen legegileak dituzten eskualdeek hauteskunde barruti propioare- kin aurkeztuko lirateke Europa- ko Parlamentuko hauteskunde- etara. Eta horixe denfendatu zuen EAJko eurodiputatuak. Bestalde, beharrezko jo zuen Entitate konstituzional horiek Europako Justizia Auzitegira jo- ateko zilegitasuna izatea.

Honetaz gain, Ortuondoren ustez, «Entitate konstituziona- lek Kontseiluetan parte hartu beharko lukete eskualde horiek dituzten eskuduntzak zuzenean ukitzen direnean».

**Europari buruz eztabaidatzeko bilkura egingo du ostiralean Eusko Legebiltzarrak**

Agentziak | DONOSTIA

Europaren etorkizunari buruz eztabaidatuko du datorren ostiralean Eusko Legebiltzarrak ez ohiko osoko bilkuran, atzo Bo- zeramaileen Batzordeak finkatu zuenez. Eusko Le- gebiltzarreko Kanpo Ha- rremanetarko eta Euro- pako Gaietarako Batzor- deak EAJ, EA eta EB-IUko kideen botoekin onartutako txostena izango da eztabaidaren oinarria. Txosten horri zuzenketak eta proposa- men alternatiboak aur- kezteko aukera izan da.

Gasteizko Legebiltza- rreko eztabaida Europako Etorkizunari buruzko Konbentzioaren lan ildo- arekin lotuta dago. Eusko Legebiltzarraren iritzia Europako Konbentzioari igorriko zaio, ekarpen gisa kontuan har dezan.

Bozketa enmendakin partzialekin hasiko da, Batzordeak egin duen txostena adosteko. Par- tzialekin txostena ados- ten bada, ez da txostena- ren proposamen alterna- tiberik eztabaidatuko.

Bozeramaileen Batzor- deak zehaztutako proze- duraren arabera, talde parlamentarioek 30 mi- nutuko txanda izango dute jarrera azaltzeko eta 10 minutukoa erantzute- ko.

## LABURREAN

**Goirizelaia, Alberdi eta Saez de Eguilaz Parisen daude eta gaur epailearen aurrean pasatzekoak dira**

Ostiralean Akizen atxilotutako hiru pertsonak Parisera era- man zituzten atzo eta gaur dira epailearen aurrean pasatze- koak. Atxilotuak Kristina Goirizelaia, Ane Alberdi eta Carlos Saez de Eguilaz dira. Bestalde, Espainiako Auzitegi Nazio- naleko Fiskaltzak Kristina Goirizelaiaren kontrako estradi- zio eskaera jarriko du abian. Ez du, ordea, beste bien estradi- zio eskaerarik egingo oraingo.

**Espainiako Auzitegi Nazionean atzo Sakanako lau gazteren aurka hasi epaiketak bihar segiko du**

Iñaki eta Gorka Urteaga anaien, Lander Urritza eta Galder Gonzalez gazteen aurka Espainiako Auzitegi Nazionean atzo hasi epaiketak bihar segiko du. Laurentzako seina urte- ko espetxe zigorra eskatua du fiskalak. Sakanan Guardia Zi- bilaren «gehiegikeriak» salatzen zituen 'Alde Hemendik' bu- letinaren egile direla dio fiskalak eta talde armatuarekin ko- laboratzea egotzi die. Atzo gazteek deklaratu zuten.

**Takolo, Pirritx eta Porrotxen emanaldia bertan behera uzteko eskatu dute PPK eta PSE-EEK Getxon**

Getxoko PPK eta PSE-EEK Kultura Aretoaren ezohiko batzarra eska- tu dute Takolo, Pirritx eta Porrotx pailazoen emanaldia bertan behe- ra uztea eskatzeko. Pailazoen hiru emanaldi iragarrita daude Kultura Aretoan: urtarrilaren 24an, 25ean eta 26ean. PPko bozeramaile Ma- risa Arruek adierazi zuen atzo «Getxoko herritar bezala lotsatu- ta» dagoela, «pertsonen bizitza- rengatik inolako begirunerik ez duten pailazo taldea gure diruare- kin kontratatu» nahi dutelako. Pailazoen aukeraketa «lotsagabe- kerri galanta» dela deritzo Arruek.

**Gallastegiren epaiketaren zeuden pertsonetatik zortzi otsailaren 7an galdekatuko ditu Garzonek**

Iragan azaroaren 25ean Irantzu Gallastegi euskal presoari egin zitzaion epaiketaren zeuden pertsonetatik zortzi galdeka- tuko ditu datorren otsailaren 7an Espainiako Auzitegi Na- zionaleko epaile Baltasar Garzonek. Epaiketaren eskua altxa eta oihuak botatzean «terrorismoa goratzea» delitua egitea egotzi zien fiskalak zortzi pertsonen. Urtebete eta bi urte arte- ko espetxe zigorra jaso dezakete.

**Donostiako Udalak Urrezko Domina «terrorismoaren biktimei» ematea erabaki du**

Donostiako Urrezko Domina «terrorismoaren biktimei» ematea erabaki zuen atzo Udalak. Sozialista Abertzaleak tal- dearen kontra azaldu zen. Domina, hilaren 30ean udaletxe- an izango den ekitaldian emango zaie biktimen kolektiboari. Josetxo Ibazeta Sozialista Abertzaleak taldeko bozeramaile- ak salatu zuenez, ez dira kontuan hartu manifestazioetan hil- dakoak eta Gerra Zibilan Ondarretako kartzelan fusilatutakoak.